


**Ka Moporesidente
Dieter F. Utchtdorf**

Mogakolodi wa Bobedi mo
Boporesidenteng jwa Ntlha



Rara wa rona, Motlhatheledi wa rona

Ao kile wa bula bokoso ya dikarolo, wa goga dita-
elo tse di di agang, mme wa akanya, Se ga se fe
tlhaloganyo gotlhelele?”

Nako tse dingwe, go sa kgathalesege maikaelelo le
matlhagatlhaga a rona a siameng, re goga karolo mme
re botse, “Se ke sa eng?” kgotsa “Se se lekana jang?”

Matshwenyego a rona a gola fa re leba bokoso le go
lemoga molaetsa o o latolang o re, Go aga mo go tlhoka—
dingwaga tse 8 le go ya kwa godimo.” Ka ntlha ya gore
ga rena lesedi, seo jalo ga se godise thokgamo ya rona le
boleng jwa rona.

Nako tse dingwe re na le maitemogelo a tshwanang ka
efangele. Jaaka fa re lebelela nngwe ya karolo ya yone,
re ka ingwaya ditlhogo le go gaggamalela gore karolo eo
ke ya eng. Kgotsa jaaka fa re sekaseka nngwe ya karolo,
re ka lemoga gore le gone morago ga go leka ka thata go
tlhaloganyana ka botlalo, ga re kgone go lemoga gore ke
eng karolo eo e akareditswe.

Rara wa rona wa Legodimo Ke Motlhatheledi wa Rona

Le fa gontse jalo, Rara wa rona wa Legodimo o re neetse
ditaello tse di gaggamatsang go rulaganya matshelo a rona
le go dira gotlhe mo re ka go kgonang. Ditaello tseo di dira
go sa kgathalesege dingwaga tsa rona kgotsa seemo. O re
neetse efangele le Kereke ya ga Jeso Keresete. O re neetse
thulaganyo ya thekololo, thulaganyo ya pholoso, le eleng
thulaganyo ya boitumelo. Ga a re tlogela rele esi mo go
tsotlhe tse di sa itsegeng kgotsa dikgwetlho tsa botshelo,

a re, “Fano a reye koo. Nna le lesego. Ichebachebele.”

Fa fela re nna pelotelele le go leba ka pelo e ikokobe-
tsang le ka tlhaloganyo e e bulegileng, re tlaa lemoga gore
Modimo o re neetse di dirisiwa tse dintsi go tlhaloganyana
botoka ditaello tsa Gagwe tse di akaretsang boitumelo mo
matshelong a rona.

- O re neetse mpho e e senang tlhwalhwa ya Moya
o o Boitshepo, eo e nang le bokgoni go nna ya rona,
morutuntshi wa legodimo jaaka re ithutuntsha lefoko la
Modimo le go leka go tliša megopolo ya rona le ditiro
mo tlhamalalong le lefoko la Gagwe.
- O re neetse phitlhelelo go Ene ya 24/7 ka dithapelo tsa
tumelo le ditopo tsa maikaelelo a tlhwaafetseng.
- O re neetse baaposetole le baporofiti ba malatsi ano,
bao ba senolang lefoko la Modimo mo matsatsing a
gompiano e bile ba na le taolo go bofa kgotsa go kana
mo lefatsheng le kwa legodimong.
- O buseditse Kereke ya Gagwe—mokatlho wa badu-
medi bao ba dirang mmogo go thusanya jaaka fa ba
direla pholoso ya bone ka poifo, baroroma, le boitume-
lo jo bo sa lekanyediweng.¹
- O re neetse dikwalo tse di boitshepo—lefoko la Gagwe
le le kwadilweng.
- O re neetse di dirisiwa tse dintsi tsa maranyane a sesha
go re thusa mo go tsamaeng ga rona ga borutwana.
Bontsi jwa di dirisiwa tse di gaggamatsang di ka bonwa
kwa LDS.org.

Ke eng fa Rara wa rona wa Legodimo a re neetse thuso e e ntsi jaana? Ka ntlha ya gore wa re rata. Le ka ntlha ya gore, jaaka a buile ka Boene, “Se ke tiro yame le kgalalelo yame—go tliša go diragatsa bosasweng le botshelo jo bosakhutleng jwa motho.”²

Ka mafoko a mangwe, Rara wa Legodimo ke Modimo wa rona, e bile Modimo ke motlhatlheledi wa rona.

Rara wa rona wa Legodimo o itse matlhoko a bana ba Gagwe go feta mongwe le mongwe. Ke tiro ya Gagwe le kgalalelo go tšwelela a re thusa, a re neela di dirisiwa tse di gagamatsang tsa senama le semowa go re thusa mo tseleng ya go boela go Ene.

Rre mongwe le mongwe Ke Motlhatlheledi

Mo nngweng ya dikarolo tsa lefatshe, borre ba tlotliwa ke malwapa le mokgatlo mo kgweding ya Seetebosigo. Go siame ka metlha go tlotlomatsa le go tlotla batsadi ba rona. Borre ba dira dilo tse dintsi tse di siameng go malwapa a bone e bile ba na le mekgwa e mentsi e e ele-tsegang. Ditiro tse pedi tse di botlhokwa tse di dirwang ke borre mo matshelong a bana ba bone ke go nna sekai le motlhatlheledi. Borre ba dira go feta go na le go bolelela bana ba bone se siameng le se se phoso; ba dira go feta go ba latlhelela buka ya dikaelo le go solofela gore ba ka ichebachebela mo botshelo ka bo bone.

Borre ba tlhathelela bana ba bone ba bantle le go ba supegetsa ka sekai sa bone tsela ya boikanyego ya botshe-lo e tshelwang ka teng. Borre ga ba tlogele bana ba bone ba le esi mme a itlhaganela go ba namola, ba ba thusa go ema ka maoto a bone fa ba kgojwa. Mme nako tse dingwe ke sengwe se se bothale, fa borre ba letlelela bana ba bone go sokola, ba lemoga gore se e ka nna tsela nngwe e e siameng go ba letlelela gore ba ithute.

Rotlhe Re Batlhatlheledi

Le ntswa borre ba mo lefatsheng ba dira se go bana ba bone, mowa wa go tlhathelela ke sengwe seo re se tlhokang go se fa bana botlhe ba Modimo, go sa kgathale-sege dingwaga, lefelo, kgotsa seemo. Gakologelwa, Bana ba Modimo ke bokgaisadi le bokgaisadio; rotlhe re ba lelwapa le le tshwanang la bosakhutleng.

Mo go akanyetseng se, a rotlhe re nne batlhatlheledi — re le tlhaga go atolosa le go thusanya go nna botoka.

Ka ntlha ya gore re bana ba Modimo, re na le kgonaga-lo ya go nna jaaka Ene. Go rata Modimo le bangwe ka rona, go tshegetsa ditaelo tsa Modimo, le go sala morago sekai sa ga Keresete ke go tlhamalala, mo go sesane, le boitumelo jwa tsela e e boelang mo ponalong ya batsadi ba rona ba legodimo.

Fa Modimo wa lebopo a kgathala thata ka rona gore e nne motlhatlheledi wa rona, gongwe le rona re ka atologela go bangwe ka rona, gosa kgathalesege mmala, letso, itsholelo, diemo, puo, kgotsa bodumedi. A re nneng batlhatlheledi ba ba tlhotlheleditsweng le go segofatsa matshelo a ba bangwe—e seng fela a bana ba rona mme le gone botlhe bana ba Modimo go yeng mo lefatsheng.

DINTLHA

1. See Acts 13:52; Philippians 2:12.
2. Moses 1:39.

DITHUTO GO TSWA MOLAETSENG O

O ka simolola ka go botsa bao o ba rutang go akanya ka nako gore ke leng Rara wa Legodimo a ba tlhathelela. O ka ba botsa jalo go akanya mo go tshwanang ma gareng ga nako e le nako ya fa ba utlwa ba tlhathelelwa ke rre wa mo lefatsheng. Ba laletse go kwala mo go tshwanang ka fa ba tlhatheletsweng ka teng. O ka ba gwetlha go leka go etsa selo se ba se kwadileng mo maitekong a bone a go nna sekai se se botoka go ba bangwe.

BANA

Thuso ya ga Rara wa Legodimo

Ka ntlha ya gore Rara wa Legodimo wa re rata, O re neetse di dirisiwa tse dintsi, kgotsa dimpho, go re thusa. Fa tlase ke dingwe tsa dimpho tseo a re di neet-seng. O ka dirisa jang mpho eno go segofatsa botshelo jwa gago le go segofatsa ba bangwe?

thata ya boperesiti

thapelo

lorato go ba bangwe

baaposetole le baporofiti

dikwalo tse di boitshepo



Tumelo, Lelwapa, Thuso

Ditlhomong le Dikgolagano tsa Tempele

Ka thapelo ithute tiriso e mme o senke go itse gore o ka abelana eng. Go tlhaloganya "The Family: A Proclamation to the World" go ka godisa tumelo yame mo Modimong jang le go segofatsa bao ke ba tlhokometseng ka thuto ya ketelo? Go bona molaetsa yo montsi, ya ko reliefsociety.lds.org

Ditlhomong tsothe tse di botlho-kwa go pholoso le kgalalelo ya bosakhutleng di patilwe ke dikgolagano tsa Modimo. "Go dira le go tshegetsatsa dikgolagano go raya go ithophela go ipofa go Rara wa Legodimo le Jeso Keresete," ga bua Linda K. Burton, moporesidente wa kakaretso wa Mokgatlo wa Thuso.¹

Mogolwane Neil L. Andersen wa Khoramo ya Baaposetole ba ba Lesome le Bobedi a re, Morena a re, 'Mo ditlhomong . . . thata ya bomodimo ya itshupa.'

"Go na le ditshegofatso tse di kgethegileng go tswa go Modimo go mongwe le mongwe yo nang le tshwanelo ya go kolobediwa, a amogela Moya o o Boitshepo, le ka metlha a tsayakarolo ya sakaramente."²

"Fa banna le basadi ba ya tempele, ga bua Mogolwane M. Russell Ballard wa Khoramo ya Baaposetole ba ba Lesome le Bobedi, "botlhe ba humisiwa semowa ka thata e e tshwanang, e eleng thata ya boperesiti . . .

". . . Banna botlhe le Basadi botlhe ba na le phitlhelelo ya thata eno go ba thusa mo matshelelong a bone. Botlhe ba ba dirileng

dikgolagano le Morena le bao ba tlotlomatsang dikgolagano tseo ba kgona go amogela tshenolo ya mong, go segofadiwa ka go direlwa ke baengele, go buisa le Modimo, go amogela efangele ka botlalo, le, kwa pheletsong, go nna ba rua boswa le Jeso Keresete go tsothe tse Rara wa rona a nang le tsone.³

Dikwalo tse di boitshepo tsa tlalaletso

1 Nephi 14:14; Doctrine and Covenants 25:13; 97:8; 109:22

Dipolelo tse di Tshelang

Ka 2007, matsatsi a mane morago ga thoromo ya lefatshe e bokete mo Peru, Mogolwane Marcus B. Nash wa ba ba Masome a Supa a kopana le moporesidente wa lekalana Wenceslao Conde le mosadi wa gagwe, Pamela. "Mogolwane Nash a botsa Kgaityadi Conde gore bana ba gagwe ba bannye ba tsogile jang. Ka monyenyo, a fetola ka gore ka bosiami jwa Modimo botlhe ba ne ba sireletsegile e bile ba tsogile sentle. A botsa ka lelwapa la bo Conde.

"Le ile,' a bua motlhofo.

". . . 'Mme jalo,' Mogolwane Nash a tshwaela, 'o a nyena jaaka re bua.'

"'Ee,' a re, Ke rapetse e bile ke na le kagiso. Re na le tsothe tse re di tlhokang. Re teng, re na le bana ba rona, re kannwe mo tempeleng, re na le Kereke e e gakgamatsang e, e bile re na le Morena. Re ka aga gape ka thuso ya Morena.' . . .

"Ke eng ka go dira le go tshegetsatsa dikgolagano le Modimo seo se re neelang thata go nyenya mo mathateng, go fetola pitlagano go nna phenyo . . . ?"

"Motswedi ke Modimo. Phitlhelelo ya rona go thata eo ke ka dikgolagano tsa rona le Ene."⁴

DINTLHA

1. Linda K. Burton, "Thata, Boitumelo, le Lorato lwa go Tshegetsatsa Kgolagano," *Liahona*, Nov. 2013, 111.
2. Neil L. Andersen, "Power in the Priesthood," *Liahona*, Nov. 2013, 92.
3. M. Russell Ballard, "Men and Women in the Work of the Lord," *Liahona*, Apr. 2014, 48–49.
4. Bona D. Todd Christofferson, "The Power of Covenants," *Liahona*, May 2009, 19–20–21.

Akanyetsa Se

Ditlhomong le dikgolagano tsa tempele di re nonotsha le go thatafatsa jang?